

# UMT bantu komuniti nelayan Kuala Kerteh

BH/01.01.24 / M/S 21

**Dungun:** Sebagai sebahagian usaha memperkasakan komuniti nelayan Kuala Kerteh, Universiti Malaysia Terengganu (UMT) dengan kerjasama Kementerian Pengajian Tinggi (KPT) dan Persatuan Nelayan Kuala Kerteh menajayakan Program Semarak Siswa Madani.

Program itu yang bertujuan memindahkan ilmu dan kepakaran kepada nelayan tempatan membabitkan 50 kakitangan dan pelajar UMT.

Inisiatif ini selari dengan sasaran Pelan Pembangunan Pendidikan Malaysia 2015-2025 untuk melahirkan graduan seimbang dari segi mental dan jasmani seterusnya mewujudkan ekosistem yang syumul di antara mahasiswa

dan komuniti.

Timbalan Naib Canselor Hal Ehwal Pelajar dan Alumni, Profesor Dr Mohd Izani Mohd Zain, berkata beliau yakin program seumpama ini mampu membuka peluang kepada pelajar dan kakitangan UMT mengembangkan kemahiran, bakat serta melatih untuk mahasiswa berfikir secara kritis dan kreatif.

Ia juga katanya dapat memperkasakan nilai kepimpinan dan keprihatinan mahasiswa dalam menangani masalah komuniti setempat.

“Program sebegini juga menjadi platform kepada penyelidik-penyelidik yang ada di UMT mendekati komuniti untuk perkongsian kepakaran” katanya.



Perkongsian kepakaran penyelidik UMT bersama nelayan setempat pada Program Semarak Siswa Madani.

(Foto ihsan UMT)